

1877

not sorted

HE PANUI KI NGA MINITA ME NGA RANGATIRA  
MAORI MO TE KURA MO A RATOU TAMAHINE KA  
TU KI TAURANGA.

William

E HOA MA TENA KOUTOU—

Ka tahi nei ano au ka hoki mai i Ingarani i te whakarongo i nga korero a te Komiti o te Hahi Mihinare mo a koutou tamahine. Nui atu te aroha o taua hunga ki a koutou; na e titiro ana ratou e kore te Maori e rite ki te pakeha te ora ki te kore e whakaakona ki nga tikanga pakeha. Na konei ka kūa mai e taua Komiti kia whakaturia e maua ko mata he kura ki Tauranga mo nga tamahine a nga minita a nga rangatira Maori.

Ka rereke te whakahaere o tenei kura ki o mua. Ka noho tahi ka kai tahi a mata me nga tamariki, ko te korero hoki me te whakaako hei tereo pakeha anake. Ka whakaakona ano hoki nga tamariki ki nga mahi me nga tikanga katoa o te whare pakeha. Kaua he utu ma nga *minita* mo nga *kākahu* mo te kai te whakaakonga ranei o a ratou tamariki, engari ma nga *rangatira* me wahi iti ano. Kia toru marama ia kotiro ia kotiro e whakamatautau ana, a te paunga o aua ra ka tukua ia kia hoki ki tona kainga ki te kore ia e pai ki te noho i te kura-engari e kore tetahi kotiro noho tutu i te kainga Maori e tapoko ki roto.

Kia hohoro te tuhi mai o nga pukapuka a te hunga e hiahia ana ki te tuku mai i a ratou tamariki i na te mea e kore e tino maha nga tamariki o tenei kura.

Heoi na to koutou hoa aroha,

NA TE KEREHI (Minita).

Tuhia a-koutou pukapuka

Ki a Te Kerehi Minita

Te Rengarenga

Tauranga.